

«Հաստատում են», մրցաշարի կազմակերպիչ
«ՄԵՆՔ ՓՐՈԴԱԿՇՆ» ՍՊ ընկերության հիմնադիր և
տնօրեն Պավել Սարգսյան

ԿԱՆՈՆԱԴՐՈՒԹՅՈՒՆ

ՀՀ բիզնես ոլորտի, բարձր տեխնոլոգիական, հեռահաղորդակցության, ֆինանսաբանկային ընկերությունների միջև արագ շախմատի թիմային և անհատական XXIII-րդ սիրողական առաջնություն

1. Ընդհանուր դրույթներ

- 1.1 Սույն Կանոնադրությամբ սահմանվում են բիզնես ոլորտի, ՀՀ ԿԲ, առևտրային բանկերի, վարկային, ապահովագրական, ներդրումային, աուդիտորական, բարձր տեխնոլոգիական, հեռահաղորդակցության ընկերությունների միջև արագ շախմատի սիրողական առաջնության անցկացման կանոնները և պայմանները:
- 1.2 Սույն Կանոնադրությունը և դրա փոփոխությունները հաստատվում են առաջնության կազմկոմիտեի (այսուհետև՝ Կազմկոմիտե) որոշումով՝ քվեարկությամբ, ձայների պարզ մեծամասնությամբ:
- 1.3 Կազմկոմիտեի կազմում ընդգրկվում են՝ մրցաշարի կազմակերպիչը, թիմերի ղեկավարները և մրցաշարի Գլխավոր մրցավարը: Կազմկոմիտեի նախագահողն է մրցաշարի կազմակերպիչը:
- 1.4 Կազմկոմիտեն իրավասու է քննարկել և որոշում ընդունել մրցաշարի հետ կապված կազմակերպչական և խաղային հարցերի վերաբերյալ: Կազմկոմիտեի որոշումները ընդունվում են մասնակիցների քվեարկությամբ, ձայների պարզ մեծամասնությամբ: Այն դեպքում, եթե ձայները կիսվում են հավասար, որոշիչ ձայն ունի Կազմկոմիտեի նախագահողը:

2. Առաջնության մասնակիցները

- 2.1. ՀՀ ֆինանսաբանկային և բիզնես ոլորտի ընկերությունների միջև արագ շախմատի սիրողական առաջնությանը մասնակցում են բացառապես ՀՀ ԿԲ, առևտրային բանկերի, վարկային, ապահովագրական, ներդրումային, աուդիտորական և բիզնես ոլորտի ընկերությունների ներկայացուցիչները:
- 2.2. Մրցաշարին կարող են մասնակցել առանց տարիքային սահմանափակման, թե արական, թե իգական սեռի ներկայացուցիչներ:
- 2.3. Առաջնությանը կարող են մասնակցել բացառապես բիզնես ոլորտի, ՀՀ ԿԲ, առևտրային բանկերի, վարկային, ապահովագրական, ներդրումային, աուդիտորական, բարձր տեխնոլոգիական, հեռահաղորդակցության ընկերությունների (այսուհետև՝ **ընկերություններ**)՝ մինչև **19.02.2023թ.** աշխատանքի ընդունված հաստիքային աշխատակիցները: Տվյալ պայմանները հաստատվում են ընկերության կողմից ներկայացված «Մասնակցության հայտի» և մասնակիցների աշխատանքային գրքույկների, աշխատանքի ընդունելու հրամանի և անձնագրի պատճենների հիման վրա: «Մասնակցության հայտ»-երը ներկայացվում են մրցաշարի կազմկոմիտե ոչ ուշ քան մրցաշարի մեկնարկային օրվանից **2 օր առաջ/ այսինքն՝ 17.02.2023թ. ներառյալ/**: Ներկայացված հայտերի ճշտությունը ստուգվում է նաև մասնակիցների կողմից: Առաջնությանը չեն կարող մասնակցել պրոֆեսիոնալ խաղացողներ, որոնք վերջին մեկ ու կես տարվա ընթացքում մասնակցել են որևիցե պրոֆեսիոնալ մրցաշարի:
- 2.4. Այն դեպքում, եթե մրցաշարի որևէ խաղի ընթացքում խախտվել են 2.3 կետի պահանջները որևէ մասնակցի կողմից՝ խաղերին մասնակցել է չհայտավորված կամ պահանջներին

չբավարարող խաղացող, ապա տվյալ թիմին գրանցվում է պարտություն 0:1 հաշվով և հեռացվում է մրցաշարից:

2.5. Մրցաշարին կարող է մասնակցել յուրաքանչյուր կազմակերպությունից 4 թիմ՝ յուրաքանչյուր թիմում երեքական մասնակցով: Մրցաշարի ընթացքում արգելվում է մասնակից թիմերում փոփոխություն:

2.6. Մասնակիցները չեն կարող մասնակցել առաջնությանը սպորտային հագուստով:

2.7. Մրցաշարի բոլոր մասնակիցները պետք է պահպանեն պարետատան կողմից մշակված և ցուցված հակահամաճարակային կանոնները:

3. Խախտումներ, բողոքարկումներ, տուգանքներ

3.1 Խաղերի հետ կապված թիմերի բողոքները քննարկվում են մրցաշարի Կազմկոմիտեի նախագահի և խաղերի գլխավոր մրցավարի կողմից՝ անմիջապես խաղի ընթացքում և կայացված որոշումները բողոքարկման ենթակա չեն:

3.2 Խաղասրահում ոչ սպորտային արարքների դեպքում խաղացողը և թիմը անմիջապես հեռացվում է խաղասրահից և այլևս չի մասնակցում մրցաշարին: Ոչ սպորտային արարքի որակավորումը տրվում է Կազմկոմիտեի նախագահի և մրցավարների կողմից:

3.3 Մասնակիցների, թիմի կամ վերջիններիս երկրպագուների կողմից խաղը ընդհատելու և խաղասրահում վեճ, աղմուկ բարձրացնելու դեպքում տվյալ մասնակիցը և թիմը հեռացվում է մրցաշարից:

4. «Արագ շախմատ» խաղի ընդհանուր դրույթներ, կանոններ

Մրցաշարն անցկացվում է շրջանային մրցակարգով, ՖԻԴԵ-ի արագ շախմատի կանոնների, մրցաշարային կանոնների համաձայն: Ժամակարգը՝ 10 րոպե + 5-ական վայրկյան յուրաքանչյուր մրցակցին:

4.1. Անհնարին քայլը համարվում է կատարված, երբ գործի է դրվում հակառակորդի ժամացույցը: Այն բանից հետո, մինչ պատասխան քայլ կատարելը, հակառակորդը կարող է պահանջ ներկայացնել անհնարին քայլի առնչությամբ: Խաղացողի կողմից առաջին անհնարին քայլ կատարելու համար մրցավարը պետք է հակառակորդին ավելացնի 2 րոպե, սակայն նույն խաղացողի կողմից երկրորդ անհնարին քայլի դեպքում պարտիան համարվում է այդ խաղացողի կողմից պարտված:

4.2. Դրոշակը համարվում է ընկած, եթե այդ մասին խաղացողի կողմից ճիշտ հայտարարություն է արվել: Ժամանակը սպառվելու պատճառով հաղթանակ պահանջելու համար խաղացողը պետք է կանգնեցնի ժամացույցը և տեղեկացնի մրցավարին: Պահանջը բավարարելու համար անհրաժեշտ է, որ ժամացույցը կանգնեցնելուց հետո պահանջողի դրոշակը ի տարբերություն հակառակորդի դրոշակի ընկած չլինի:

4.3. Քայլ կատարողը կարող է ուղղել մեկ կամ մի քանի խաղաքարի դասավորություն նախապես հայտարարելով դրա մասին:

4.4. Յուրաքանչյուր քայլ պետք է կատարվի միայն մեկ ձեռքով:

4.5. Առանց մրցավարի թույլտվության՝ խաղացողներին արգելվում է խաղավայրում ունենալ բջջային հեռախոս կամ հեռահաղորդակցության այլ էլեկտրոնային միջոց, բացառությամբ այն դեպքերի, երբ դրանք ամբողջովին անջատված վիճակում են: Երբ խաղացողներից որևէ մեկի մոտ վերը նշված իրերից ինչ-որ ձայն է լսվում տվյալ խաղացողին գրանցվում է պարտություն:

4.6. Ծխելը թույլատրվում է շենքից դուրս հատկացված հատվածում:

4.7. Հանդիսատեսները և մյուս խաղացողները չպետք է խոսեն պարտիայի մասին կամ այլ կերպ միջամտեն խաղին: Անհրաժեշտության դեպքում մրցավարը կարող է խախտողներին հեռացնել խաղավայրից:

4.8. Մրցաշարում տեղերը որոշվում են ըստ՝

Թիմային միավորների /թիմի հաղթանակ – 2 միավոր, ոչ-ոքի – 1 միավոր, պարտություն – 0 միավոր/:

Հավասարության դեպքում հաշվի են առնվում.

ա/ թիմի մասնակիցների հավաքած միավորների հանրագումարը,

բ/ թիմի անձնական հանդիպումներ,

զ/ առաջին տախտակի վրա վաստակած միավորները. եթե հավասարությունը պահպանվում է, ապա հաշվի են առնվում երկրորդ, այնուհետև երրորդ և հաջորդող տախտակների վրա վաստակած միավորները:

5. Մրցաշարի խաղերը, «Արագ շախմատ»

- 5.1. Մրցաշարը Կազմկոմիտեի որոշմամբ սկսվում է մասնակիցների առաջին հանդիպմամբ, որի ժամանակ վիճակահանությամբ որոշվում են մասնակից թիմերի մրցակիցները:
- 5.2. Եթե Մրցավարը խախտում է արձանագրել և տուգանք նշանակել, մասնակիցն իրավունք չունի վեճի մեջ մտնելու մրցավարի հետ, սակայն խաղի ընթացքում, սույն կանոնադրության համաձայն, կարող է բողոքարկել խաղի արդյունքները, կազմկոմիտեի նախագահին և գլխավոր մրցավարին: Բողոքարկման ընթացքը չի կարող տևել ավելի քան 2 րոպե:
- 5.3. Մասնակիցն իրավունք չունի
 - 5.3.1. Խաղերի ընթացքում ծխել սեղանի մոտ,
 - 5.3.2. Խաղերի ընթացքում օգտագործել ավիոհոլ,
 - 5.3.3. Խաղերի ընթացքում գրուցել հանդիսատեսի հետ,
 - 5.3.4. Խաղերի ընթացքում վիճել մրցավարի կամ մրցակցի հետ,
 - 5.3.5 Խաղերի ընթացքում արգելվում է օգտվել բջջային հեռախոսներից:
- 5.4. Յուրաքանչյուր խաղի պարտիայի ավարտից հետո տրվում է 1-5 րոպե հանգստի ժամանակ:

6. Կազմակերպչական դրույթներ

- 6.1. Մրցաշարին մասնակցելու նպատակով յուրաքանչյուր կազմակերպություն մրցաշարի կազմակերպչին յուրաքանչյուր մասնակից թիմի համար վճարում է **75,000** (Յոթանասունհինգ հազար ԶԶ դրամ ներառյալ հարկերը), մեկ կազմակերպությունից **երկու թիմի մասնակցության դեպքում վճարը կազմում է 95,000** (ինսունհինգ հազար ԶԶ դրամ ներառյալ հարկերը), **երեք թիմի դեպքում՝ 115,000** (մեկ հարյուր տասնհինգ հազար ԶԶ դրամ ներառյալ հարկերը), **չորս թիմի դեպքում՝ 135,000** (մեկ հարյուր երեսունհինգ հազար ԶԶ դրամ ներառյալ հարկերը): **Մեկ ընկերությունից առավելագույն կարող են մասնակցել 4 թիմ:** Վճարումները իրականացվում են կանխավճարի տեսքով, այնուհետև մրցաշարի ավարտին ծառայությունը մատուցելուց հետո կազմակերպիչը դուրս է գրում հաշվարկային հաշիվ: Վճարումները կատարվում են փոխանցման տեսքով՝ մրցաշարի մեկնարկման օրվանից **2 օր առաջ (11.10.2022թ. տվյալները ներկայացված են ստորև):** Ժամանակին չվճարած մասնակիցը չի մասնակցում մրցաշարին: Տվյալ վճարները չեն վերադարձվում մասնակցին, եթե խախտվել է 2.3 կետը, վերջինս ներկայացրել է մասնակցության հայտ, վճարել է գումարը, սակայն չի ներկայացել մրցաշարին ոչ կազմակերպչի մեղքով, իսկ մրցաշարը մեկնարկել է:
- 6.2. Յուրաքանչյուր մասնակցի մրցաշարի կազմակերպչին վճարված մասնակցության վճարի **35-70%** (ըստ մասնակիցների քանակի) գումարը բաշխվում է մրցաշարի մրցանակային տեղերը զբաղեցրած մասնակիցների միջև:
- 6.3. Մրցաշարի կազմակերպիչը վերը նշված գումարի **30-65%** (ըստ կազմակերպությունների քանակի) պարտավորվում է ապահովել մրցաշարի կազմակերպչական կորդինացումը, խաղասրահը, մրցավարներին, մրցաշարի լուսաբանումը ՁԼՄ-ներում, մրցաշարի փակման մրցանակաբաշխությունը:

Մրցաշարի կազմակերպիչ, ծառայությունը մատուցող՝
«ՄԵՆՔ ՓՐՈՂԱՔՇՆ» ՍՊ ընկերություն

Կազմակերպության իրավ. անունը	«ՄԵՆՔ ՓՐՈՂԱՔՇՆ» ՍՊԸ
Իրավաբանական հասցե	ք.Երևան, Արգիշտի փ., 7/4 շ., բն. 35
Հաշվարկային հաշիվ ԶԶ դրամ	1570021819130100
Բանկ	«Ամերիաբանկ» ՓԲԸ
ՀՎՀՀ	02634794
Տնօրեն	Պավել Սարգսյան